

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 23 NOVEMBER 2015, PUKUL 10.00 PAGI

Bil. 54

PERTANYAAN-PERTANYAAN BAGI JAWAB LISAN

1. PR-1333-L70787
Datuk Rozman bin Isli [Labuan] minta **MENTERI SUMBER ASLI DAN ALAM SEKITAR** menyatakan adakah Malaysia sudah mempunyai inisiatif untuk mengumpul nama-nama tempat dalam tulisan atau dialek yang digunakan oleh rakyat Malaysia, berserta maklumat latar belakang dan lokasi dalam bentuk peta digital dalam usaha pemeliharaan dan konservasi warisan negara.
2. PR-1333-L71237
Dato' Kamarul Baharin bin Abbas [Telok Kemang] minta **MENTERI PERDAGANGAN ANTARABANGSA DAN INDUSTRI** menyatakan apakah Forum Ekonomi Islam Sedunia (World Islamic Economic Forum - WIEF) yang disertai Malaysia mempunyai cadangan untuk mewujudkan Inisiatif Kawasan Perdagangan Bebas (*Free Trade Area*) di negara-negara OIC seperti mana yang telah pun dilakukan ASEAN melalui kewujudan Asean Free Trade Area (AFTA).
3. PR-1333-L69689
Datuk Hajah Norah binti Abd Rahman [Tanjong Manis] minta **MENTERI PERTANIAN DAN INDUSTRI ASAS TANI** menyatakan adakah pihak Kementerian bercadang untuk mengurangkan import sayur-sayuran, bawang dan cili dan menggalakkan tanaman tersebut di dalam negara memandangkan terdapat banyak tanah pertanian yang terbiar dan boleh dibangunkan sebagai pusat tanaman sehenti sayur-sayuran.
4. PR-1333-L70712
Tuan Manivanan a/l Gowindasamy [Kapar] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
 - (a) berapakah jumlah peruntukan dan penerima Skim Bantuan Segera Kawasan Parlimen (BSKP) mengikut kategori untuk tahun 2010, 2011, 2012, 2013, 2014 dan hingga separuh penggal pertama 2015; dan

- (b) berapakah jumlah peruntukan dan penerima Tabung Bantuan Segera (TBS) mengikut kategori mengikut kategori untuk tahun 2010, 2011, 2012, 2013, 2014 dan hingga separuh penggal pertama 2015.
5. PR-1333-L69613
Dato' Abdul Manan bin Ismail [Paya Besar] minta **MENTERI PENDIDIKAN TINGGI** menyatakan jumlah jurnal dan buku rujukan Bahasa Melayu yang diterbitkan oleh setiap universiti tempatan di negara ini.
6. PR-1333-L71475
Tuan Sim Chee Keong [Bukit Mertajam] minta **MENTERI SAINS, TEKNOLOGI DAN INOVASI** menyatakan status projek RazakSat-2, termasuk kos terkini dan jumlah yang telah dibelanjakan setakat ini serta tarikh siap.
7. PR-1333-L70208
Datuk Koh Nai Kwong [Alor Gajah] minta **MENTERI TENAGA, TEKNOLOGI HIJAU DAN AIR** menyatakan apakah perancangan dan langkah-langkah bagi menggalakkan penggunaan kenderaan elektrik (*Energy Efficient Vehicles, EEV*) yang boleh mengurangkan kebergantungan terhadap penggunaan bahan api fosil dan memelihara alam sekitar.
8. PR-1333-L69606
Laksamana Pertama Mohamad Imran bin Abd Hamid (B) [Lumut] minta **PERDANA MENTERI** menyatakan bagaimana Perdana Menteri merealisasikan Bangsa Malaysia dengan memperkenalkan semua Borang-borang Kerajaan tidak menyediakan ruang 'Bangsa' memadai dengan ruang 'Warga Negara'. Sebagai contoh Borang UPU dan Borang SPA.
9. PR-1333-L70964
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PERTANIAN DAN INDUSTRI ASAS TANI** menyatakan sejauh mana Kementerian telah mempromosi penggunaan baja organik untuk digunakan dalam pertanian terutamanya bagi tanaman kelapa sawit dan tanaman-tanaman utama lain di Malaysia.
10. PR-1333-L71172
Tuan Ahmad Marzuk bin Shaary [Bachok] minta **MENTERI PERUSAHAAN PERLADANGAN DAN KOMODITI** menyatakan jumlah bekas-bekas penanam tembakau di Bachok yang telah berjaya mengusahakan tanaman alternatif. Nyatakan pecahan mengikut projek yang diusahakan. Berapakah jumlah purata pendapatan mereka terkini.
11. PR-1333-L71300
Datuk Wira Haji Ahmad bin Hamzah [Jasin] minta **PERDANA MENTERI** menyatakan :-
- (a) nilai dan peratus pemilikan ekuiti berserta kawalan pengurusan ke atas syarikat-syarikat mengikut kaum dan warga asing pada tahun 2000, 2009 dan 2014; dan

- (b) rancangan dan tindakan untuk menambah pemilikan ekuiti berserta kawalan bumiputera pada 30% pada tahun 2020 dan rancangan serta tindakan untuk memastikan bumiputera turut mempunyai *stake* dan kawalan yang besar daripada segi dana, aset, pekerjaan dan rantaian penawaran/nilai.
12. PR-1333-L70091
Dato' Mansor bin Othman [Nibong Tebal] minta **MENTERI PERTANIAN DAN INDUSTRI ASAS TANI** menyatakan definisi peminjam tertunggak bayaran balik tegar (*hard core defaulters*) Program TEKUN .Nyatakan bilangan peminjam dan jumlah pembiayaan mengikut jenis-jenis aktiviti perniagaan serta langkah-langkah yang diambil untuk mengutip kembali bayaran tertunggak tersebut.
13. PR-1333-L69868
Datuk Seri Panglima Haji Abdul Ghapur bin Haji Salleh [Kalabakan] minta **MENTERI TENAGA, TEKNOLOGI HIJAU DAN AIR** menyatakan :-
- (a) apakah Kementerian maklum bahawa bekalan air di kawasan Kalabakan dan Tawau akan menghadapi masalah bekalan air yang kronik kerana tiada empangan yang boleh menampung air yang mencukupi; dan
- (b) jika maklum apakah pelan tindakan Kementerian untuk mengatasi kekurangan air ini.
14. PR-1333-L69996
Tuan Haji Khalid bin Abdul Samad [Shah Alam] minta **MENTERI KESIHATAN** menyatakan Status Pembukaan Hospital Shah Alam dan bilakah Hospital tersebut akan memulakan operasi sepenuhnya.
15. PR-1333-L71313
Dato' Noraini binti Ahmad [Parit Sulong] minta **MENTERI PERTANIAN DAN INDUSTRI ASAS TANI** menyatakan apakah faktor utama yang menyebabkan pasar-pasar raya tidak mematuhi peraturan Gred, Pembungkusan dan Label (GPL) sehingga FAMA mengeluarkan sebanyak 340 surat amaran kepada pengeksport, pengimport, pemborong dan peruncit sayur-sayuran serta buah-buahan yang gagal mematuhi GPL sejak ia dikuatkuasakan pada Julai 2013.
16. PR-1333-L69630
Puan Hajah Zuraida binti Kamaruddin [Ampang] minta **MENTERI PENDIDIKAN** menyatakan jumlah murid yang memilih pendidikan di sekolah swasta berbanding di sekolah Kerajaan.
17. PR-1333-L69513
Dato' Wira Othman bin Abdul [Pendang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan mengapa Kementerian tidak menguatkuasakan Akta 723, Perkara 4 supaya rakyat boleh menikmati harga barangan yang lebih rendah. Apakah langkah-langkah lain untuk menurunkan harga barang.

18. PR-1333-L69980
Dato' Dr. Mujahid Yusof Rawa [Parit Buntar] minta **MENTERI PERDAGANGAN ANTARABANGSA DAN INDUSTRI** menyatakan kempen Malaysia sebagai destinasi pelaburan yang menarik dan apa insentif yang ditawarkan.
19. PR-1333-L71259
Dato' Seri Tiong King Sing [Bintulu] minta **MENTERI KESIHATAN** menyatakan :-
- (a) adakah Kementerian berhasrat untuk menambah peruntukan kepada setiap Jabatan Kebajikan Sosial Hospital terutamanya Hospital Bintulu yang sentiasa kekurangan peruntukan untuk menghantar pesakit ke Hospital Umum Sarawak untuk mendapatkan rawatan pakar; dan
 - (b) apakah perancangan Kementerian untuk menaik taraf Hospital Bintulu dengan menambah kemudahan dan peralatan perubatan yang canggih serta penambahan pakar-pakar perubatan memandangkan Bintulu merupakan sebuah kawasan perindustrian berat.
20. PR-1333-L69655
Dr. Che Rosli bin Che Mat [Hulu Langat] minta **MENTERI PENDIDIKAN** menyatakan :-
- (a) apakah pencapaian yang diperoleh dalam Latihan Teknikal dan Vokasional (TVET) hasil kerjasama tujuh Kementerian; dan
 - (b) apakah perkembangan terkini Kolej Vokasional (KV) daripada segi bilangan dan pencapaian pelajar serta pengiktirafannya.
21. PR-1333-L70731
Datuk Seri Noh bin Haji Omar [Tanjong Karang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah perbezaan peranan Tabung Penyelenggaraan 1 Malaysia (TP1M) berbanding Perbadanan Pengurusan Perumahan Awan Negara (3PAN) bagi menjalankan penyelenggaraan semua Projek Perumahan Rakyat (PPR).
22. PR-1333-L70849
Tuan Chong Chieng Jen [Bandar Kuching] minta **MENTERI KERJA RAYA** menyatakan status pelaksanaan Projek Menaik Taraf Pan Borneo Highway di negeri Sarawak. Berapakah pakej kontrak telah dianugerahkan, apakah harga kontrak masing-masing, panjang jalan terlibat dan siapakah kontraktor berkenaan.

23. PR-1333-L70029
Datuk Abd Rahim bin Bakri [Kudat] minta **MENTERI PENGANGKUTAN** menyatakan apakah alasan yang menyebabkan kesukaran untuk memindahkan operasi penerbangan AirAsia dari Lapangan Terbang Terminal 2 ke Lapangan Terbang Utama Terminal 1. Apakah tindakan seterusnya yang diambil untuk membolehkan kelancaran pemindahan ini dapat dilakukan demi keselesaan penumpang.
24. PR-1333-L71093
Tuan V. Sivakumar [Batu Gajah] minta **MENTERI PENDIDIKAN** menyatakan pendirian jelas Kementerian berhubung dengan sekolah-sekolah vernakular di negara kita. Itu adalah kerana pelbagai pihak membangkitkan isu berbaur perkauman berhubung dengan sekolah-sekolah vernakular yang boleh menjejaskan kesejahteraan dan keharmonian di kalangan rakyat Malaysia.
25. PR-1333-L71561
Dr. Mansor bin Abd Rahman [Sik] minta **MENTERI DALAM NEGERI** menyatakan apakah benar ada berlakunya penculikan kanak-kanak melibatkan sindiket penjualan organ sepertimana yang sering menjadi '*viral*' dalam media sosial dan sekiranya ada, berapakah kes yang direkodkan dan sejauh mana tindakan Kementerian dalam menjelaskan perkara tersebut memandangkan ia semakin menjadi kebimbangan masyarakat.
26. PR-1333-L71001
Tuan Shamsul Iskandar bin Mohd Akin [Bukit Katil] minta **PERDANA MENTERI** menyatakan sejauh mana amalan tata kelola korporat (*corporate governance*) diterapkan dalam pengurusan institusi zakat dan apakah Kerajaan bersedia untuk memperkenalkan undang-undang khusus yang menguatkuasakan peraturan dan amalan tata kelola yang baik di dalam pengurusan zakat.
27. PR-1333-L70587
Tuan Anyi Ngau [Baram] minta **MENTERI DALAM NEGERI** menyatakan jumlah penduduk di Parlimen Baram yang telah memohon dokumen pengenalan melalui Unit Mobil Jabatan Pendaftaran Negara semenjak tiga tahun lalu serta jumlah permohonan yang telah diluluskan.
28. PR-1333-L70055
Tuan Wong Ling Bui [Sarikei] minta **MENTERI DALAM NEGERI** menyatakan apa sebab Kerajaan membenarkan Himpunan Rakyat Bersatu diadakan pada 16 September 2015 sedangkan perhimpunan tersebut berunsur perkauman. Apakah tindakan Kerajaan yang telah diambil untuk memastikan ketenteraman dan keamanan negara tidak terjejas pada masa hadapan.
29. PR-1333-L71191
Tuan Haji Ahmad Lai bin Bujang [Sibuti] minta **MENTERI PELANCONGAN DAN KEBUDAYAAN** menyatakan adakah Kementerian akan meluluskan peruntukan untuk projek pembangunan pelancongan Pantai Bungai, Sibuti bagi meneruskan pembangunan fasa kedua memandangkan Pantai Bungai kini menjadi tarikan pelancong domestik dan luar negara.

30. PR-1333-L71236
Tuan Oscar Ling Chai Yew [Sibu] minta **MENTERI PENDIDIKAN** menyatakan mengapa UPSR kertas Bahasa Cina mengandungi soalan yang berdasarkan soalan SPM Bahasa Cina. Apakah pandangan Kementerian terhadap isu ini.
31. PR-1333-L70753
Tuan Haji Ahmad Nazlan bin Idris [Jerantut] minta **MENTERI DALAM NEGERI** menyatakan adakah pihak Kerajaan bersedia menggubal undang-undang yang boleh mengganggu gugat keselamatan dan kedaulatan negara.
32. PR-1333-L71198
Tuan Mohd Rafizi bin Ramli [Pandan] minta **PERDANA MENTERI** menyatakan senaraikan dari mana ValueCap akan mendapat suntikan RM20 bilion bagi merangsang Bursa Malaysia mengikut pecahan suntikan ekuiti, bon, pinjaman dan lain-lain.
33. PR-1333-L71058
Datuk Ikmal Hisham bin Abdul Aziz [Tanah Merah] minta **MENTERI PENDIDIKAN** menyatakan berapa banyak sekolah, asrama dan rumah di kawasan luar bandar dirancang untuk dibina dalam tempoh beberapa tahun ini.
34. PR-1333-L71282
Tuan Mohamed Azmin bin Ali [Gombak] minta **MENTERI KESIHATAN** menyatakan apakah langkah-langkah yang telah diambil oleh Kementerian untuk memastikan tiada peningkatan bagi kos perubatan rakyat khususnya di hospital dan klinik Kerajaan
35. PR-1333-L71518
Dato' Takiyuddin bin Hassan [Kota Bharu] minta **MENTERI BELIA DAN SUKAN** menyatakan apakah bidang kuasa dan fungsi Pesuruhjaya Sukan di bawah Akta Pembangunan Sukan 1997.
36. PR-1333-L70446
Tuan Wong Sze Phin @ Jimmy [Kota Kinabalu] minta **MENTERI KERJA RAYA** menyatakan status terkini termasuk perbelanjaan bagi pembinaan Pan Borneo di Sabah. Adakah terdapat sebarang perubahan daripada perancangan asal.
37. PR-1333-L70827
Tuan Nga Kor Ming [Taiping] minta **MENTERI DALAM NEGERI** menyatakan apakah tindakan undang-undang yang akan diambil ke atas pihak penganjur perhimpunan perkauman pada 16 September 2015 iaitu Hari Malaysia yang mengakibatkan beberapa anggota polis cedera akibat rusuhan.
38. PR-1333-L70209
Dato' Ngeh Koo Ham [Beruas] minta **PERDANA MENTERI** menyatakan kenapa beliau memerlukan begitu banyak Menteri (37) dan Timbalan Menteri (32) (jika dibandingkan dengan Perdana Menteri yang lepas dan juga pentadbiran negara-negara lain) untuk mentadbir negara ini.

39. PR-1333-L71119
Datuk Zahidi bin Zainul Abidin [Padang Besar] minta **MENTERI KEWANGAN** menyatakan adakah telah dilakukan kajian semula pelaksanaan GST dengan mengambil kira kesan yang menjejaskan kuasa daya beli dan kualiti penghidupan penduduk luar bandar akibat kenaikan harga barang mendadak, dicampur pula dengan 6% GST, lebih-lebih lagi pendapatan majoriti penduduk luar bandar yang bergantung kepada hasil getah dan kelapa sawit kerana harga kedua-dua komoditi tersebut berada pada paras rendah sepanjang tahun 2015 ini.
40. PR-1333-L70275
Dato' Mohd Ariff Sabri bin Abdul Aziz [Raub] minta **PERDANA MENTERI** menyatakan :-
- (a) bagaimanakah derma RM2.6 bilion itu diagihkan; dan
 - (b) daripada RM2.6 bilion ini, berapakah jumlah sebenar yang diagihkan.
41. PR-1333-L70811
Tuan Gobind Singh Deo [Puchong] minta **PERDANA MENTERI** menyatakan apakah hasil siasatan *Special Task Force* yang ditubuhkan untuk siasatan wang RM2.6 bilion dalam akaun peribadi Perdana Menteri.
42. PR-1333-L69517
Datuk Dr. Haji Abd. Latiff bin Haji Ahmad [Mersing] minta **MENTERI PERDAGANGAN ANTARABANGSA DAN INDUSTRI** menyatakan langkah Kerajaan dalam mempromosikan kereta turbo diesel yang dikatakan lebih baik berbanding kenderaan enjin petrol.
43. PR-1333-L70576
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan bilakah Kerajaan boleh meminda Akta Kesatuan 1959 boleh dilaksanakan.
44. PR-1333-L70671
Dr. Haji Izani bin Haji Husin [Pengkalan Chepa] minta **MENTERI DALAM NEGERI** menyatakan apakah modul pengajian Islam yang diberikan kepada para anggota penguatkuasaan yang Muslim di bawah Kementerian seperti Polis Diraja Malaysia (PDRM) dan lain-lain agensi untuk para anggotanya menghayati pendidikan Islam yang terbaik. Apakah ada penambahbaikan kepada modul dan program-program yang sedia ada.
45. PR-1333-L70732
Datuk Noor Ehsanuddin bin Mohd Harun Narrashid [Kota Tinggi] minta **MENTERI BELIA DAN SUKAN** menyatakan adakah Kementerian mempunyai pelan strategik yang dalam mempertingkatkan mutu sukan bola sepak negara.
46. PR-1333-L69525
Datuk Raime bin Unggi [Tenom] minta **MENTERI PENDIDIKAN** menyatakan jumlah sekolah rendah dan menengah di seluruh negara terutama di Sabah disediakan capaian internet menerusi Program 1BestariNet.

47. PR-1333-L70161
Tuan Idris bin Haji Ahmad [Bukit Gantang] minta **PERDANA MENTERI** menyatakan mengapakah wang RM2.6 bilion yang dikatakan diderma kerana Malaysia mengamalkan ajaran Ahli Sunnah Wal Jamaah, mengamalkan konsep kesederhanaan dan aktif memerangi keganasan itu, dimasukkan ke dalam akaun peribadi Perdana Menteri sedangkan sepatutnya terus ke Kementerian berkaitan.
48. PR-1333-L70312
Tuan Che Mohamad Zulkifly bin Jusoh [Setiu] minta **MENTERI DALAM NEGERI** menyatakan statistik jumlah tangkapan serta serbuan yang dilakukan terhadap premis kegiatan judi berkomputer di seluruh negara bagi 2 tahun ini.
49. PR-1333-L69737
Datuk Linda Tsen Thau Lin [Batu Sapi] minta **MENTERI KEWANGAN** menyatakan langkah-langkah yang akan diambil untuk memulihkan keyakinan para pelabur di Bursa Saham Malaysia yang telah menunjukkan prestasi yang tidak memuaskan sejak satu tahun kebelakangan ini.
50. PR-1333-L70182
Dato' Dr. Nik Mazian bin Nik Mohamad [Pasir Puteh] minta **PERDANA MENTERI** menyatakan prospek-prospek pekerjaan kepada graduan-graduan menjelang tahun 2016. Adakah Kerajaan mengkaji kelebihan graduan yang telah dikeluarkan oleh pusat-pusat pengajian tinggi yang terus bertambah supaya dapat mengurangkan masalah pengangguran di kalangan masyarakat.
51. PR-1333-L69839
Tuan Lim Guan Eng [Bagan] minta **MENTERI DALAM NEGERI** menyatakan status siasatan ke atas Perhimpunan Merah pada 16/9/2015 yang dipimpin oleh Ketua Bahagian UMNO Kota Bharu.
52. PR-1333-L70192
Dato' Henry Sum Agong [Lawas] minta **MENTERI KEMAJUAN LUAR BANDAR DAN WILAYAH** menyatakan bilakah penambahan lampu jalan kampung daripada 10 unit sekarang kepada 20 unit dijalankan seperti yang telah dijanjikan dan siapakah kontraktor yang dilantik untuk menjalankan tugas tersebut di Sarawak.
53. PR-1333-L71411
Dato' Seri Abdul Hadi bin Awang [Marang] minta **MENTERI SUMBER MANUSIA** menyatakan apakah usaha yang telah dilakukan oleh Kementerian untuk mengurangkan kebergantungan pekerja asing berkemahiran rendah seperti yang disebut dalam Rancangan Malaysia Ke-11 (RMK-11).

1. Menyambung semula pertimbangan ke atas Rang Undang-undang Perbekalan 2016 (D.R. 31/2015) dan Usul Anggaran Perbelanjaan Pembangunan 2016 seperti berikut :-

Dalam Jawatankuasa Sebuah-buah Majlis (19 November, 2015)

- | | | | |
|----|----------------|---|-----------------------------------|
| 2. | (D.R. 32/2015) | Rang Undang-undang Kewangan 2015

[Menteri Kewangan] | Bacaan Kali
Yang Kedua |
| 3. | (D.R. 28/2015) | Rang Undang-undang Perbadanan Insurans Deposit
Malaysia (Pindaan) 2015 - Menyambung semula
Perbahasan atas masalah, “Bahawa Rang
Undang-undang ini dibacakan kali yang kedua
sekarang”
(22 Oktober 2015)

[Menteri Kewangan] | |
| 4. | (D.R. 30/2015) | Rang Undang-undang Syarikat 2015

[Menteri Perdagangan Dalam Negeri,
Koperasi dan Kepenggunaan] | Bacaan Kali
Yang Kedua |

5. (D.R. 29/2015) Rang Undang-undang Skim Kepentingan 2015. “
6. (D.R 33/2015) Rang Undang-undang Tabung Angkatan Tentera (Pindaan) 2015 “
[Menteri Perdagangan Dalam Negeri, Koperasi dan Kepenggunaan]
7. (D.R. 9/2015) Rang Undang-undang Kanun Tatacara Jenayah (Pindaan) 2015 “
[Menteri Pertahanan]
8. (D.R. 12/2015) Rang Undang-undang Keterangan (Pindaan) 2015 “
[Menteri di Jabatan Perdana Menteri]
9. (D.R. 24/2014) Rang Undang-undang Dadah Berbahaya (Pindaan) (No. 2) 2014 “
[Menteri Kesihatan]

10. PR-1333-U69963

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini. Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah kebanyakan pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensesenysapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang menggelarkan diri mereka sebagai SSKM ini."

[Menteri Dalam Negeri]

11. PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan dikalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa, Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

[Perdana Menteri]

12. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini.”

[Menteri Pertanian dan Industri Asas Tani]

13. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehpercayaan rakyat kepada Kerajaan masa kini.”

[Menteri Kewangan]

14. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbau perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

15. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

16. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

17. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

[Menteri Sumber Asli dan Alam Sekitar]

18. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

19. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

20. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

21. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

22. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatkali ganda usaha pembinaan rumah-rumah tersebut.”

[Perdana Menteri]

23. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab.

Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

24. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Tetak Cina. Umno perlukan anda”. Sedangkan yang keluar dijalanan pada 29 dan 30 Ogos 2015 rakyat dari berbagai kaum termasuk Melayu dan Bumiputra yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri. Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

25. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

26. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

27. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khasnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

28. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan

arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

29. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

30. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

31. **Dato’ Seri Dr. Wan Azizah binti Wan Ismail [Permatang Pauh]** akan mencadangkan :-

“Bahawa Dewan ini tidak ada kepercayaan terhadap Yang Amat Berhormat Pekan Dato’ Seri Najib Tun Razak sebagai Perdana Menteri Malaysia.”

[Perdana Menteri]

32. **Tuan Gobind Singh Deo [Puchong]** akan mencadangkan :-

“Bahawa mengikut Peraturan Mesyuarat 43 dibaca bersama Peraturan Mesyuarat 99 Peraturan-Peraturan Majlis Mesyuarat Dewan Rakyat, Dewan Yang Mulia ini mengkaji semula dan mengenepikan keputusan Yang di-Pertua YB Dato Seri Dr. Ronald Kiandee, yang membenarkan usul untuk menggantung Yang Berhormat Tuan Lim Kit Siang, Ahli Parlimen Gelang Patah daripada Perkhidmatan sebagai Ahli Parlimen selama 6 bulan dibahas tanpa rujukan dibuat kepada Jawatankuasa Hak dan Kebebasan sepertimana menurut Peraturan 80A Peraturan-Peraturan Majlis Mesyuarat.”

[Perdana Menteri]

33. **Tuan Mohd Rafizi bin Ramli [Pandan]** akan mencadangkan :-

“Bahawa Dewan ini menggesa supaya Tenaga Nasional Berhad hanya membayar jumlah yang sepadan dengan nilai pasaran aset-aset *Independent Power Producers* (IPP) yang dimiliki oleh 1MDB dan Dewan berpendapat bahawa harga siling mengikut nilai pasaran bagi aset-aset itu adalah Ringgit Malaysia Lapan Bilion (RM8,000,000,000) sahaja”.

[Menteri Kewangan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2015</u>	<u>RISALAT/DOKUMEN</u>	<u>TARIKH DIBENTANGKAN</u>
DR.11	Laporan Jawatankuasa Kira-Kira Wang Negara Parlimen Ketiga Belas. - Projek Pembangunan Empangan Paya Peda, Besut, Terengganu.	23 November 2015
ST.128	Laporan Tahunan dan Penyata Kewangan Lembaga Kemajuan Tanah Persekutuan (FELDA) Bagi Tahun 2014	23 November 2015
CMD.44	Laporan Ketua Audit Negara Mengenai Penyata Kewangan dan Pengurusan Kewangan Kementerian / Jabatan Kerajaan Persekutuan Tahun 2014	23 November 2015
CMD.45	Laporan Ketua Audit Negara Mengenai Aktiviti Kementerian / Jabatan dan Pengurusan Syarikat Kerajaan Persekutuan Tahun 2014 Siri 3	23 November 2015
CMD.46	Laporan Ketua Audit Negara Mengenai Pengesahan Penyata Kewangan dan Pengurusan Kewangan Badan Berkanun Persekutuan Tahun 2014	23 November 2015
CMD.47	Laporan Ketua Audit Negara Mengenai Pengurusan Aktiviti Badan Berkanun Persekutuan dan Pengurusan Syarikat Subsidiari Tahun 2014 Siri 3	23 November 2015
CMD.48	Maklum Balas Ke Atas Laporan Ketua Audit Negara Mengenai Penyata Kewangan dan Pengurusan Kewangan Tahun 2014 dan Aktiviti Kementerian / Jabatan Serta Pengurusan Syarikat Kerajaan Persekutuan dan Aktiviti Badan Berkanun Persekutuan Serta Pengurusan Syarikat Subsidiari Bagi Tahun 2014 Siri 3	23 November 2015

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD.63	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Kedah Tahun 2014 Siri 3.	23 November 2015
CMD.64	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Johor Tahun 2014 Siri 3.	23 November 2015
CMD.65	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Kelantan Tahun 2014 Siri 3.	23 November 2015
CMD.66	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Melaka Tahun 2014 Siri 3.	23 November 2015
CMD.67	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Sembilan Tahun 2014 Siri 3.	23 November 2015
CMD.68	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Pahang Tahun 2014 Siri 3.	23 November 2015
CMD.69	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Perak Tahun 2014 Siri 3.	23 November 2015
CMD.70	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Perlis Tahun 2014 Siri 3.	23 November 2015
CMD.71	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Pulau Pinang Tahun 2014 Siri 3.	23 November 2015
CMD.72	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Sabah Tahun 2014 Siri 3.	23 November 2015

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD.73	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Sarawak Tahun 2014 Siri 3.	23 November 2015
CMD.74	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Selangor Tahun 2014 Siri 3.	23 November 2015
CMD.75	Laporan Ketua Audit Negara Mengenai Aktiviti Jabatan / Agensi dan Pengurusan Syarikat Kerajaan Negeri Terengganu Tahun 2014 Siri 3.	23 November 2015
CMD.50	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Kedah Tahun 2014.	23 November 2015
CMD.51	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Johor Tahun 2014.	23 November 2015
CMD.52	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Kelantan Tahun 2014.	23 November 2015
CMD.53	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Melaka Tahun 2014.	23 November 2015
CMD.54	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Sembilan Tahun 2014.	23 November 2015
CMD.55	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Pahang Tahun 2014.	23 November 2015

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
CMD.56	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Perak Tahun 2014.	23 November 2015
CMD.57	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Perlis Tahun 2014.	23 November 2015
CMD.58	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Pulau Pinang Tahun 2014.	23 November 2015
CMD.59	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Sabah Tahun 2014.	23 November 2015
CMD.60	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Sarawak Tahun 2014.	23 November 2015
CMD.61	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Selangor Tahun 2014.	23 November 2015
CMD.62	Laporan Ketua Audit Negara Mengenai Penyata Kewangan Kerajaan Negeri dan Pengurusan Kewangan Negeri Terengganu Tahun 2014.	23 November 2015